




www.BibleForChildren.org


Otnga Mugaeai 1




Mugaeai mugaeai tau,
Deo ikado bubur ga
tano ga iuot.



Be tano ianun eta mao. Ienono
sapaeen. Tibur toa ngada oa
dodom, be eau kekelen. Be
Deo Itautau Tutui iroro
gadae ngan eau igogo.




Idio ta Deo ikeo, "Manta taranga iuot." Tota taranga
iuot. Deo iuato taranga eine "ado," be iuato dodom
eine "bong." Io, bong ila, be gaisala iuot.
Eine ado ede.




Ga kus ta Deo ikeo, "Kalakalanga ede manta iuot ta ipoga eau ga idio ngan tibur rua." Ga kus ta Deo ikeo, "Kalakalanga ede manta iuot ta ipoga eau ga idio ngan tibur rua."



Ga kus ta Deo ikeo, "Eau ienono gadio ngan mariamba,
manta ila iluplup ngan tibur keledede, ta tibur mamasa
iuot." Io, tota iuot. Deo iuato tibur mamasa eine
"tano." Be eau toa ila iluplup ngan tibur keledede, iuato
"tad." Ta Deo igera gid danga toa oa eine kemi.




Ga kus ta Deo ikeo, "Manta tano ipapot gid abei ga
gilgilnga ga annga imata ede ga ede toman ngan
ipuapua. Ta gid abei keledede keledede
itautau ga iuot toman ngan
ipuapua." Io, tota iuot.
Io, bong ila, be gaisala
Eine ado tol aea.




Deo ikado taranga kapeipei rua.
Taranga kapei eine ngan itara ado,
be kakauede ngan itara bong. Ga
ikado gid gigima pade. Io, bong
ila, be gaisala iuot. Eine ado
pange aea.



Ga kus ta Deo ikeo, "Tad manta iuon ngan gid masilau imata ede ga ede matad bibita. Ga gid man pade manta tiuot ga tiroro alele mariambai gadae ngan tano." Io, bong ila, be gaisala iuot. Eine ado lima aea.




Ga kus ta Deo ikeo, "Manta tano ipapot gid masilau
tibur aea imata ede ga ede matad bibita, ta gid
masilau matad mud ga matad saksak, kapeipei ga
gereirei tiuot." Io, tota tiuot.




Ga kus ta Deo ikeo, "Eine takado eababa ga tiuot mambe gita, ta matad lalaede mambe gita. Ta tadol gid ga timariala ngan tano ga ngan gid ia ga gid man ga gid masilau tibur aea kapeipei ga gereirei ga gid danga toa ngada ne tilalala alele tanoelai." Deo igera gid danga toa ngada oa ikado ga iuot eine kemi tau. Io, bong ila, be gaisala iuot. Eine ado lima ga ede aea.




Idio ta Maron Deo ibada eaba toa oa ta idol ei ga idio
imado ngan dadanga Iden, ta ikado naurata ngan ga
imariala ngan.



Idio ta Maron Deo
irenren matua pan ta
ikeo, "Eao rangrang
ngan ean abei toa
ngada ne itautau, be
abei toa ibada oatainga
ngan gid danga kemikemi
ga danga papaeamao, eao
rangrang ngan ean mao.
Ngansa oangga ean, eao
ga mate ngan ado toaiua."



Be mugaeai Maron Deo ikapo tano ta ikado gid masilau
tibur aea ga gid man toa ngada oa ga tiuot. Ta ital gid
ga tila pan eaba toa oa, ta Deo iuangga igera ei
iuatoato gid keledede keledede edad. Tota
iuatoato gid masilau mud ga masilau
saksak ga gid man toa ngada oa edad.
Ta saoa edaeda eaba toa oa iuatoato
ngan gid, eiua gid edad. Be Adam
igera iarea eta ngan luanga
ei mao.




Idio ta Maron Deo ikado ga eaba toa oa imate ngan
enonga. Ei idio ieno, ta Deo inusi ituatua ede
ikarkareai. Ga kus ta ipatoi mulian
itin kukul. Ta Maron Deo
ikado taine ede ngan eaba
ikarkare ituatua toa ibada.
Ta ital ei ga ila pan.



Ngan ipu toaine kadonga ga oaine
iuotot: Eaba ga itnan itama ga itna ta
ila ilup toman ngan iadaoa, ta eine
mambe gisirua tinid iuot keledede.



Ngansa Deo ilolo ikim tau panua toa
ngada ne tanoeai, ta ilongean Inat toa
kelede oa, ta oangga sai ilolo matua
ngan ei, eine ga irangrang ngan
iduaea mao. Be ei ga ibada
madonga kemi somisomi
ga ilalala
ga ila.



Rom 3:23

Ngansa panua toa ngada ne tikado kadonga sat, ta
tisapir ngan madonga kemi toa Deo ele tarangai.

Rom 6:23

Ngansa kadonga sasat aea kolina ila pagimi eine
matenga. Be Deo ele tenainga ila pagimi eine madonga
kemi somisomi ga ilalala ga ila. Tenainga toa ne inam
pagita ngan leda lupnga toman ngan Iesus
Kristus ada Maron.

Ibru 9:27

Panua toa ngada ne manta timate pakelede, ga kus
ta tila timadid ngan posanga toa Deo imatai.



Epesus 2:8,9

Ngansa ngan ele kadonga lolo marum aea kekelen, Deo ibada gimi mulian. Gimi akado danga eta ngan luanga gimi mulian mao, be Deo ibada gimi mulian mambe ele tenainga ila pagimi. Lemi kadonga lolo matua aea eine mambe edap tenainga toa ne ila pagimi ngan. Kadonga toa ne iuot ngan gimi lemi naurata mao. Deo kekelen ikado, ta irangrang ngan eaba eta iparim ngan ei mulian mao.

Rom 10:9,10

Posanga toa ne ga bedane: Oangga eao posa masaeai ngan aoam ta keo ga, "Iesus ei Maron," ga eao lolom matua mambe Deo ipei ei mulian ngan ele matenga, eine ga Deo ibada go mulian. Ngansa kadonga lolo matua aea ienono lolodai, ta kadonga toa ne ikado ga taot tutui Deo imatai. Be ngan aada, taposa masaeai toa bedaoa, ta Deo ibada gita mulian.



Ioanes 3:16,17

"Ngansa Deo ilolo ikim tau panua toa ngada ne tanoeai, tailongean Inat toa keledede oa, ta oangga sai ilolo matua ngan ei, eine ga irangrang ngan iduaea mao. Be ei ga ibada madonga kemi somisomi ga ilalala ga ila. Ngansa Deo isula Inat ga inam tanoeai ngan panasnga gid panua mao. Be isula ei ga inam ngan badanga gid mulian."

1 Ioanes 5:11-13

Be posanga toa Deo ikado ne, eine ga bedane: Deo ibada madonga kemi somisomi aea pagita. Be madonga kemi toa ne inam pan Inat. Eaba sai toa ibada Deo Inat, ei ibada madonga kemi toa ne. Be eaba sai toa ibada Deo Inat mao, ei ibada madonga kemi toa ne mao. Gau nabode gid posanga toa ne ga ila pagimi panua toa lolomi matua ngan Deo Inat ieda, ngansa nakim aoatai kemi mambe gimi abada madonga kemi somisomi ga ilalala ga ila.



Otna Mugaeai 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Bariai Bible (bch) © 2012, Wycliffe Bible Translators,
Inc. All rights reserved.

<https://live.bible.is/bible/BCHWBT/GEN/1>

©2026 Bible for Children, Inc.

www.M1914.org

www.bibleforchildren.org

